

Lajčák u Bratislavi sa ministrom vanjskih poslova Jánom Kubišem



Kao dio svojih posjeta glavnim gradovima zemalja članica Evropske unije visoki predstavnik i specijalni predstavnik EU Miroslav Lajčák se u Bratislavi susreo sa slovačkim ministrom vanjskih poslova Jánom Kubišem. Visoki predstavnik i specijalni predstavnik EU ga je obavijestio o najnovijoj situaciji u zemlji i napretku BiH u ispunjavanju pet ciljeva i dva uslova za tranziciju OHR-a. Lajčák je razgovarao sa ministrom Kubišem i o budućoj ulozi Evropske unije u Bosni i Hercegovini, te su zaključili da EU mora biti spremna da preuzeće vodeću ulogu u BiH nakon tranzicije OHR-a.

Informirajući ministra o najnovijoj političkoj situaciji visoki predstavnik i specijalni predstavnik EU Lajčák je rekao: "Zaključak Vlade RS-a da otpočne jednostrano povlačenje iz preduzeća za prijenos električne energije bi bio štetan za zemlju i njene evropske ciljeve. Očekujem od Vlade RS da poništi svoj zaključak i nastavi da radi u okviru uspostavljenih institucija i zakona Bosne i Hercegovine. Vlada RS-a mora shvatiti da kada se postigne dogovor on se mora i ispoštovati. Jednostrane radnje su destabilizirajuće i suprotne evropskom duhu suradnje i kompromisa. Iako je jasno da političke stranke pokušavaju izgledati ekstremne u predizbornom periodu nakon izbora će morati surađivati sa političkim protivnicima kako bi zemlja i svi njenovi dijelovi funkcionirali. Nakon toliko mnogo godina teškog života svi

građani zaslužuju progresivniji prisup svog vođstva."

Lajčák je naglasio da očekuje da se svi kandidati i stranke pridržavaju izbornih pravila i izbjegavaju retoriku koja podstiče lošu atmosferu te je podsjetio da je Vijeće za implementaciju mira uslovilo tranziciju OHR-a pozitivnom ocjenom političke situacije u Bosni i Hercegovini.